

BAZIČNA ŠKOLA ULTRAZVUKA U GINEKOLOGIJI I OBSTETRICIJI

Ehografija je trenutno najviše korištena dijagnostička tehnika u ginekologiji i obstetriciji. Klinička primjena ultrazvuka daje potpune informacije o anatomiji, funkciji i hemodinamici, što je preduslov savremene dijagnostike i terapije. S obzirom na specifičnost struke, savremena ginekologija i obstetricija danas su nezamislivi bez ultrazvučne dijagnostike i dobro obučanih ginekologa za korištenje ove metode. Zbog toga je cilj ove škole sticanje bazičnog znanja i unapređenje postojećih znanja i iskustava u što efikasnijoj upotrebi ove dijagnostičke metode. Bazična škola ultrazvuka u ginekologiji i obstetriciji je osmišljena sa svrhom edukacije specijalista i specijalizanata iz ginekologije i obstetricije kako bi uspješno i učinkovito mogli upotrebljavati različite ultrazvučne tehnike. Cilj ovog jedinstvenog programa je poticanje brzog sticanja znanja uz njihovu integraciju i primjenu ultrazvuka u kliničkoj praksi. Ova škola nudi znanja koja se odnose na ultrazvučnu dijagnostiku u obstetričkim i ginekološkim pacijentica. Sastoji se od predavanja i vježbi tokom kojih se dobivaju vrijedne informacije i znanja utemeljena na dokazima. Škola će povećati kompetencije polaznika kao i ponudu usluga na tržištu medicinskih usluga u regiji te će značajno unaprijediti kvalitetu usluga koje se već pružaju. Pod pojmom savremene edukacije se podrazumijeva sticanje teorijskog znanja neophodnog da bi se razumio i obavio ehografski pregled, kao i postizanje zadovoljavajuće praktične uvježbanosti neophodne za rutinski rad. Proces edukacije je postupan i sistematski, prilagođen nivou znanja polaznika.

INFORMACIJE O BAZIČNOJ ŠKOLI ULTRAZVUKA U GINEKOLOGIJI I OBSTETRICIJI

Broj polaznika : 15

Vrijeme, trajanje i način održavanja škole: novembar/studeni 2024 godine, ukupno 4 sedmice, i to: 1 sedmica predavanja i 3 sedmice praktičan rad. Ukupni fond 25 sati predavanja i 60 sati praktičan rad. O tačnom datumu održavanja škole polaznici će biti blagovremeno obaviješteni.

Vježbe: Polaznici bi u grupama od po 5 radili na jednom ultrazvučnom aparatu. Tu bi uz instruktora bili obučavani za tehniku osnovnog pregleda, od držanja sonde, do pravljenja osnovnih presjeka. U toku škole, kandidati bi vodili dnevnik rada, sa odgovarajućim prikazom slučajeva, kojim bi se provjeravala mogućnost praćenja škole. Na kraju bi prilagali dnevnik rada i polagali završni test sa teorijskim i praktičnim dijelom i dobijali certifikat o uspješno završenoj bazičnoj školi iz ehografije.

Mjesto održavanja škole: Služba za zdravstvenu zaštitu žena i trudnica JZNU Dom zdravlja “Dr Mustafa Šehović” Tuzla

Teorijske i praktične časove drže predavači, izabrani od strane rukovodstva tečaja i Ljekarske komore Tuzlanskog kantona. Prijave slati na mail ili adresu Ljekarske /liječničke komore Tuzlanskog kantona.

Po položenom ispitu koji se sastoji iz teorijskog i praktičnog dijela, polaznici dobivaju Certifikat i 30 bodova od strane Ljekarske /liječničke komore Tuzlanskog kantona.

Dobro došli! Jedino zajedničkim naporima možemo da ostvarimo snove o boljoj budućnosti.

S poštovanjem,

Prof.dr. med.sc Lejla Mešalić

